



F. H E C T O R I S P I N T I  
L V S I T A N I H I E R O N Y M I A N I  
I N S A C R A T H E O L O G I A D O C -  
T O R I S , S A N C T Æ S C R I P T V R Æ I N C O -  
N I M B R I C E N S I A C A D E M I A P R O F E S S O R I S ,  
I N D I V I N U M V A T E M N A H V M  
C O M M E N T A R I I .



Omnia iudicio & correctioni sanctæ Romanæ Ecclesiæ Catholicæ  
subiecta sunt.



C O N I M B R I C A E .

V  
Ex Officina Antonij à Mariz, Archipographi &  
Bibliopoli Vniuersitatis.

Anno 1579.

Cum licentia supremi et generalis Officij sanctæ Inquisitionis: et Ordinarij.

¶ Cum Priuilegio Regis.

AICP

# Priuilegio.



V el Rey faço saber, aos que este aluara virem, que ey por bem & me praz, que frey Hector Pinto doctor em sancta theologia, & lente da sagrada escriptura na Vniuersidade de Coimbra possa mandar imprimir o liuro que fez, que se intitula Cōmentarios sobre os prophetas Daniel, & Nahū, & sobre as Lamentações de Ieremias: & que Imprimidor, ou liureiro algum, né outra pessoa de qualquer qualidade que seja, possa imprimir nem vender em todos meus Reynos & senhorios, né mandar imprimir né trazer de fora delles o dito liuropor tépo de dez annos, saluo aquelles liureiros & pessoas que pera isso sua licença tiuerem. E qualquer Imprimidor, liureiro ou pessoa, que durando o dito tépo imprimir ou véder o dito liuro nos ditos meus Reynos & senhorios, ou de fora delles trouxer sem licença do dito frey Hector Pinto, perderá pera elle todos os volumes que assi imprimir, véder, ou de fora trouxer: & alé disso encorrera em pena de cincoenta cruzados, ametade pera minha camara, & a outra ametade pera qué o acusar. E mando a todas minhas justicas, officiaes & pessoas a que o conhecimento disto pertécer, quellhe cūpram & guardé, & façao inteiramente comprir & guardar este aluara como se nelle conté: o qual ey por bem que valha como se fosse carta feita em meu nome por mí assinada passada pela chācellaria, posto que por ella não seja passado, sem embargo das ordenações, que o contrario despoem. E o dito liuro foi taxado na mesa do despacho dos meus desembargadores do Paço, que se podesse véder em papel a oyto célos rés. E este se treladara no principio do dito liuro, pera se saber como assi o ouue por bem. Manoel Godinho de Castelbranco o fez em Lisboa, a oito de Agosto, de 1579.

Rey.

Dom Ioão Tello.

## ¶ Approbatio doctoris fratris Antonij de S. Dominico in academia Conimbricensi sacrae theologie primarij professoris.

 Commentarios in Danielē & Nahum, & in threnos Ieremiae quos nuperedit insignis Doctor frater Hector Pint⁹, in inclita Conimbricēsi Vniuersitate scripturæ sacræ public⁹ elucidator, mādāte Serenissimo Rege nostro, dū supremi fidei censoris fungeretur officio, quāta potui cura & animaduersione perlegi. in quibus non solū nihil reperi, quōd pias aures offendere posuit, sed opus iudico esse eximiū & multiplici eruditione refertū, nec minus refert parentē, quam illi quos dudā in alios prophetas cōscripsit. Quare non est cur nō eadem animorum legitima ab omnibus excipiatur: non minores largitus diuitias. ¶ Frater Antonij de S. Dñico.

## ¶ Licentia sanctæ Inquisitionis.

**V**ista a enformação podese imprimir, & torne o proprio com hū dos impressos a esta mesa: E este despacho se imprimira no principio do liuro cō a dita enformação. Em Lisboa a os doze dias de Julho: Manoel Antunez Secretario do conselho general do sancto officio da Inquisiçam o fez, de 1577. Annos.

Lião Anriquez.

## ¶ Licentia Ordinarij.

**D**O facultatem vthi Commentarij fratris Hectoris Pinti, in sacra theologia doctoris imprimantur.

Doctor Antonius Vaz. Ordinarius.

**E**go Frater Ioannes Penamacorensis præses generalis ordinis divi Hieronymi in regno Portugaliæ do fratri Hectori Pinto Lusitano, in sacra theologia doctori, monacho ordinis nostri copiam & facultatem mandandi typis Cōmentarios, quos composuit in prophetas Danielē, & Nahum, & Lamentationes Ieremiæ, eo quōd sint doctissimi & admirabili eruditione plenissimi. Datum in monasterio Bethlehemitico.

Frater Ioannes Penamacorensis.

¶ CLA-

CLARISSIMO VIRO AC  
Domino Georgio Syluio, nobilissima stirpe nato,  
virtutum præstantia integerrimo, Frater Hector Pintus Doctor theo-  
logus salutem, & gloriam sempiternam.



Vm s̄epenumero causam perquiram, illuſtrissime vir,  
cur cūm conſtemus ex animo immortali, et corpore ca-  
duco, corporis curandi conſeruandiq; artē diligenter quæ-  
ramus, animi autem medicinam pro nihilo putemus:  
hanc inuenio potissimum, quia corporis dolorem animo  
perpendimus, animi autem aegritudinem corpore non sen-  
timus. Et quanuis se animus iudicet, id tamen efficit,  
quando iam iudicium laborat perturbatione. Inde eue-  
nit cæca pestilentium volupeatum, mundiq; diuitiarum  
ac honorum cupiditas, et ceterorum vitiorum collu-  
cio, quibus diuina atque humana iura violantur. Et quia huius calamitatis remedium est ex  
diuinis literis de promendum, dedi operam, ut eas explanarem. Nihil est enim, quod homi-  
nes à vitijs reuocet acrius, et ad virtutes cohortetur ardenter, quam diuina doctrina, quæ  
sacris literis continetur. Ut in arca Noe erant varij cibi, varietati animantium congrue-  
tes: sic in sacra scriptura est multiplex doctrina, omni hominum generi conueniens, qua ani-  
mi reficiuntur, et ad immortalitatem inflammantur. Elegi autem vetus testamentum ex-  
ponendum, quod sit explanatu difficultimum. Nam sanctum Christi seruatoris nostri euange-  
lum, tametsi multis in locis abstrusas et reconditas habeat intelligentias, est tamen aqua illa  
clara, quam vidit Ezechiel per omnes terrarum oras fluentem, quæ egrediebatur ex ostio sa- Ezecl.47.  
crarij, hoc est ex Christo, qui ait apud Ioannem decimo: Ego sum ostium, si quis per me intro- Ioan.10.  
ierit, salubritur. Hæc est aqua, quam ipse promisit apud eundem Ezechiele trigesimo septimo, Ezecl.37.  
cum has voces emisit: Effundam super vos aquam mundam, et mundabimini ab omni-  
bus inquinamentis vestris. De illa dixerat David psalmo vigesimo secundo: Super aquas Psal.22.  
refectionis educauit me: animam meam conuertit. Et Ecclesiasticus quintodecimo: Aqua Eccl.15  
sapientiae salutaris potabit illum. Ad has aquas nos inuitat capite quinquagesimo quinto his  
verbis Esaias: Omnes sitientes venite ad aquas. De quibus ait Iohel tertio: Per omnes riuos Esa.55.  
Iudah ibunt aquæ. Ac si dicat: Omnes mundi partes rigabuntur aquis euangelicae doctrine,  
quibus Deum confitentes et laudantes edent uberrimos virtutum fructus. Est etiam do-  
ctrina diuinorum vatuum aqua salutaris, sed abdita et obscura, iuxta illud psalmographi: Psal.17.  
Tenebrosa aqua in nubibus aeris. Quod Hieronymus et Augustinus de lectione prophetarum Hieron.  
interpretantur. Quare in eorum explanatione cum Mose ingredior nubem et caliginem, di-  
cens cum diuino acrio vate: Reuelæ domine oculos meos, et considerabo mirabilia de Psal.118.  
lege tua. Oportet enim ferre filum diuini favoris, ut possim cum Theseo Labyrinthum pe-  
netrare. Ex prophetis minoribus, quos suscepit explicandos, unus est Nahum, qui fuit, ut  
ait Epiphanius in eius vita, de tribu Simeonis, natus Elcesi trans Jordanem. Excitit, ut Epipha-  
nios libro nono Antiquitatum memorie prodidit, gubernaculum reipublicæ tractante Iosephus  
Ioathamo

Hieron. Iothamō rege Iudah: sed vaticinatus est, teste Hieronymo, regnante Ezechia post decem tribuum euersionem. Vaticinatur de urbis Ninivitiae exitio & vastitate: & de prædicatione Euangeli longè lateq; propaganda. Ostendit mundi prosperitatē ad quam mortales auditate incensi aspirant, esse falsam, incertam, & caducam: veram autem virtutem solidam esse, defixamq; radicibus, quae nulla temporum varietate labefactatur. Hac & alia huiusmodi in his explicò commentarijs, quos tibi vir clarissimè dedicavi, non ut te illustrent, nec enim aquis Oceanus indiget: sed ut ipsi splendore tuo illustrentur. Tu es enim ille, quem nulla socordia, nulla intemperantia, nulla denique flagitia delectarunt. Nihil in vita expetendum putasti, nisi quod esset cum laude & dignitate coniunctum. Voluisti sapientiam & virtutem cum generis nobilitate copulare. Ducas enim genus tuum ab antiquo Syluio Rege Latij & Albæ invictissimo. Ab eo ortus est Latinus Sylvius, à quo descendit Atis Sylvius, qui genuit Capim, & Capis Caputum, & Caputus Tiberinum, à quo Volater Numitor dimanauit. Omnes hi fuerunt reges authore Raphaële Volaterrano in libro sex-  
tan.  
Liuius. to geographie. Ac ut ait Titus Liuius libro primo ab urbe condita, & diuus Augustinus decimo octavo de ciuitate Dei: et Eusebius in chronicis, non solum fuerunt reges, sed  
August. Eusebius. Syluij appellati. Huus Numitoris Syluij nepos fuit Romulus, qui primus Romanum  
Marine di caput, terrorrem & asylum condidit, & ad amplitudinem perduxit. Ab his clarissimis prin-  
cipibus ducunt progeniem suam Syluij Romani, qui ut Siculus ait Marineus, & antiqui  
us. monumenta restantur, se ex Italia contulerunt in Lusitaniam: ubi pro regum suorum  
honore, & huius regni defensione præclara facinora ediderunt, nomenq; suum immortalitati commendarunt. Quæ tam immemor erit posteritas, quæ tam ingratæ literæ reperiens-  
tur, quæ eorum gloriam non immortalitatis memoria prosequantur? Hac est prosapia tua  
vir nobilissimè, quam tu virtute, eruditione, magnificentia, & publicis beneficijs in reg-  
num collatis non solum non obscurare, sed etiam illustrare contendis. Quare tibi debentur  
opera mea: maximè cùm ealiteris mandauerim in tuo diuī Marci monasterio:  
cunde euocatus sum ab hac insigni Conimbricensi academia ad sa-  
cram scripturam explanandam.

Vale.

Conimbricæ. iij. Id. Martij. Anno à sacro sancte Virginis partu. 1577.



PRO

E

# P. R O P H E T I A

## N A H U M.

### Argumentum primi capituli.



R AE D I C I T  
diuinus vates Ni-  
næ ciuitatis Assy-  
riorum regiæ exi-  
tium & vastitatē.  
Explicat iustā Dei  
vltionem in Assy-  
rios, & benignita-  
té erga Hebræos:  
& de ecclesiæ institutione, & apostolorum prä-  
dicatione tandem vaticinatur.

### Caput primum.

**A** NUS Niniue, liber visionis Nahū  
Elcesei. Deus æmulator & vulciscens  
dominus, vulciscens dominus, & habens fu-  
rōrem: vulciscens dominus in hostes suos, &  
irascens ipse inimicis suis. Dominus patiens,  
& magnus fortitudine, & mundans non fa-  
ciet innocentem. Dominus in tempestate &  
turbine via eius: & nebulæ puluis pedū eius.  
Increpans mare, & exiccans illud, & omnia  
fumina ad desertum deducens. Infirmatus est  
Basan, & Carmelus, & flos Libani elanguit.  
Montes commoti sunt ab eo, & colles desola-  
ti sunt, & contremuit terra à facie eius, &  
orbis, & omnes habitantes in eo.

### Explanatio.



Nus. Hoc est, dura vatici-  
natio. Sesus est: incipit gra-  
uis & aspera aduersus Ni-  
niuem prophetia. Onus  
non solum calamitatem, sed vaticinatio-  
nē se penumero significat, qua calamitas,

grauis Dei vltio, & infasta ac infelia  
annuntiantur. In hanc significationē ful-  
mitur capite Esaiæ. 13. Onus Babylonis, Esai. 13:  
quod vidit Esaias filius Amos. Et. 15. On⁹ Esai. 15:  
Moab. Primo Habacuc: Onus quod vi- Habac. 1  
dit Habacuc propheta. Et Malach. 1. On⁹ Malac. 1  
verbi domini ad Israel. Prædicebant di-  
uini vates vētura supplicia, quia Deus il-  
lis ita præcipiebat: & vt homines à vitijs  
deterrent, atque ad virtutes excitarent.  
Deinde quia calamitates illis solent esse  
grauiores, quos inueniūt incautos & im-  
prudentes, de illis minimè cogitantes. Nā  
vt diūus ait Gregorius in homilia quadā, Gregor.  
minus iacula feriūt, quæ præuidētur. Præ-  
terea vt Dei iustitiā ostenderent, & viros  
pios ab impijs vexatos cōsolarentur. De-  
mū vt significant, calamitates quæ de-  
trimentū interdum hominibus afferunt,  
viles illis esse aliquando. Nam onus na-  
turaliter tendit ad centrum: cū autem  
calamitas sit onus, perspicuum est eam  
nos ad centrum ducere. Ex quo sit, vt  
quæ fuerit æquo animo tolerata, nos du-  
cat ad Deum centrum illud, ad quod  
mens virtute prædita aspirat: quæ autem  
animum perturbauerit, à tolerantia di-  
mouerit, eique desperationem adhibue-  
rit, nos ducet ad terræ centrum, vbi est  
damnatorum regio constituta, in qua illi  
acerbis eternisque cruciatibus torquētur.  
Itaq; calamitas ostendit qualis quisq; sit,  
fortis ne, an fragilis: pi⁹, an impius: firmi-  
tate animi, & constate ac perpetua ratione  
vitæ septus, an inconstantia & mutabili-

Aaa tate

## COMMENT. IN NAHVM

*Si simili dines.* tate insignis: virtutū ornamenti sexcultus, an scelerum maculis cōtaminatus. Ea est

cribrū diuidens lolium à frumento. Ut in torcularis cōpressione vinū ab acinis separatur: sic in calamitate & tētatione boni à malis sciungūtur. Eam ob causam dixit

**Tob. 12.** angelus Tobiæ cap. 12. Necesse fuit, ut tētatio probaret te. Vir cōstans & stabilis in calamitatibus suis ad Deū tanquā ad arcē

tutissimā confugit, dicēscū Dauide psal.

**Psal. 24.** 24. Respice in me, & miserere mei, quia vnicus & pauper sum ego. Vel ut pōt etiā verti ex Hebrēo: quia solus & afflictus sū

**Rom. 9.** ego. Et cum Paulo apostolo ad Rom. 9.

Quis nos separabit à charitate Christi, tribulatio, an angustia, an fames, an nuditas, an periculū, an persecutio? Ac si dicat: nihil horum. Mobilis aut & imbecillus qua-

cūq; rerum aduersarū procella tolerantiā amittit. De huiusmodi hominib⁹ ait Ec-

**Eccle. 3.** clesiasticus cap. 2. Vx his, qui perdiderū

**Eccle. 27.** sustinentiam. Ideo ait ipse. 27. Vasa figuli probat fornax, & hoīes iustos tētatio tri-

**Ose. 4.** bulationis. Id intelligēs Oseas. 4. Maledi-

ctū, inquit, & mendaciū, & homicidiū, & furtū, & adulteriū inundauerunt. Vbi pro

inundauerūt pōt etiam verti ex Hebrēo, diuiserūt. His enim rebus illi qui virtute

singulariā; constātia sunt muniti, ab illis qui nulla vera honestate, nulla solida fir-

mitudine sunt septi, separātur, & cognoscuntur. Accidit enim sēpē numero, ut qui

Deum Israelis videbantur sequi, orta tē-

pelate vela mutent, & sequātur Baal: qui

dicebant se de fontibus saluatoris aquas

haurire, se ad cisternas cōferāt dissipatas:

& qui se antea reipublicē Christianē pre-

ferebant defensores, in ea postea ut Iudas in coena, & Simon in vrbe Troiana repe-

riantur. Est nāque tentatio veluti lapis Eraclius, verum aurum à falso discernens:

*Si simili dines.*

quasi ventilabrum paleas à granis sciungēs: Matt. 4 sicut procella, qua ostēditur, quis in arenā Matt. 7 fluxam, quis in lapidē firmū iecerit funda-

menta. Ea sēpe virtutis simulationem aperuit, & animi fortitudinē cōstantiāq; declarauit. Viri pīj in ærūnarū angustijs

cōferunt se ad poenitentiā, ad lachrymas,

ad preces: impīj verò ad conuicia, ad do-

los, ad homicidia, ad voluptates. Est qui-

dem calamitas onus, & ita à Nahum hoc

loco vocatur, sed quē hoīes sceleratos de-

primit, nō iustos: imò ea ad gloriā cōcele-

stē festinant. Nā vt vela sunt onera nauis

*Si simili dines.* bus, sed eas faciunt celeriter nauigare: sic do-

afflictiones pōderasunt, sed quē viris pie-

tatē colentibus ad properandū in virtutū

via magnū afferunt adiumentū. Eos qui

illis angūtur, vocat Christus Deus noster

apud Matthēū, cūm ait: Venite ad me oēs, Matt. 11 qui laboratis, & onerati estis: & ego reficiā

vos: & inuenietis requiē animab⁹ vestris.

Nō requiem corporū promittit, sed ani-

morū. Nam corporū quies quam nefarij

hoīes voluptatibus dediti querūt, & sem-

niant, longè distat à vera quiete. Sic cate-

nīs vīctus libertatē, æger sanitatē, esuriēs

dulces epulas somniant. Sed aderit vltim⁹

dies, qui somnia hāc demōstrabit. Inter-

rim calamitates æquo animo toleratæ ad

eximię virtutis gloriā illustrandā condu-

cūt. Quare diuini vates eas solebāt prēdi-

cere, & earū vaticinationē onus appellare.

¶ **Ninus.** Ciuitas est Assyriæ quondam

florētissima, Assyrij imperij firmissimū

caput. Éa ædificauit Assur, ut capite Ge-

nes. 10. proditū est memoriae. Hic Assur

teste Xenophōte in libro de eō qui uocis, vo

cat⁹ fuit Ninus: à quo ciuitas nomen sor-

titia est. Id fuit diuo Augustino perspectū

August. & exploratū, qui cap. 3. lib. 16. de ciuitate.

Dei: Ninus, inquit, Beli filius cōditor fuit

Nini-

Niniue ciuitatis magnæ : cuius ciuitatis nomen ex illius nomine deriuatū est, vt à Nino Niniue vocaretur: Assur autē, vno de <sup>Xenop.</sup> Assyrij. Haec tenus ille. Xenophon ait hunc Ninum vocatum fuisse à nonnullis Iouem, ab alijs autem Herculem, quem gentes idolorū cultrices in cœlo colloca- runt. Vocatur hæc ciuitas ab Eusebio Ni- sibis, à Diodoro Siculo lib. 1. Nina, à He- rod. Ptolem. rodoto libro primo & secundo, & Ptole- mæo in descriptione Asie Ninus. Quo nomine nuncupatur à Plinio capite. 26. Strabo. libri. 6. & à Strabone in principio lib. 16. Hieron. & à Hieronymo in proœmio in hunc di- uinum vatem, vbi ait ciuitatē illam tunc Ninum vocari. Meminit huius ciuitatis Berosus & regis eius Sennacheribi Berosus Chal- ioseph⁹ dæus, & Flavius Iosephus, qui eum citat cap. 2. lib. 10. antiquitatum Iudaicarū. Ni- lon. 3. niuitæ ob Ionæ prædicationē egerūt pœ- nitētiā, vt ipse Ionas testificatur cap. 3. quā mobrem perniciem tunc declinarūt, & à supplicio quod illis De⁹ minatus fue- rat, euaserunt. Sed quia postea fuerunt pe- stilentibus flagitijs polluti, & in tetravitia ingurgitati, fuerūt afflicti, vieti, & eversi. Prædicitur igitur à nostro diuino vate vr- bis Niniuiticæ, totiusq; regni Assyriorū euersio, quæ à Nabuchodonosore Baby- loniorū rege anno primo imperij sui facta esse putatur. Hoc exitiū prædixit Tobias cap. 14. humaniq; authores multis in lo- cis memoriae prodiderūt. At quia Nini- Hieron. ue, vt diuus ait Hieronymus, id est quod pulchra seu ornata, mundus aut à Græcis cosmos, hoc est ornat⁹ & pulcher dicitur, Boetius potest accipi pro mūdo: de quo ait Boet⁹ in cōsolatione philosophiæ: Mundū méte gerens pulchrum pulcherrimus ipse. Et Tullius. M. Tullius in libro de vniuersitate: Nec mūdo quicquā pulchrius, nec eius ædifi-

catore præstatius. Et Tytius Maximus in Tytius. sermone quid sit Deus, ait Deū esse pul- chrorū pulcherrimum, ac pulchritudinis fonte. Quā mobrem quicquid hic dicitur in sensu literali aduersus Niniue, potest in sensu spirituali de caducis mūdi opibus & voluptatibus explicari, vt eas fluxas esse, incertas & interituras intelligam⁹, ac ex- celso firmoq; animo aspernemur. Qua ratione ducti præparemus nos ad diē iudicij, vbi De⁹ de Assyrijs, hoc est impro- bis est eterñas pœnas sumpturus. Tu verò perpende, & memoria repete diuinā pro- uidentiā: quia populus Israeliticus impijs se flagitijs cōtaminauerat, tradidit eum De⁹ Assyrijs. Rursus Assyrios tētris scele- rū maculis notatissimos tradidit Babylo- nijs, qui fuerūt vieti à Persis ob nefaria fa- cinora sua, quorū iustas pœnas p̄soluerūt. ¶ Liber visionis. Idest, liber vaticinatiōis: nam vaticinatio dicitur visio ob certitu- dinē & firmitatem. Ea ob causam dictū fuit diuo Ioan. Apoc. 1. Quod vides, scri- be in libro. Capite. 32. lib. 2. Paralip. scrip- tū legimus: Scripta sunt in visione Esaiæ. Hoc est in eius prophetia. Eodē modo su- mitur primo ipsi⁹ diuini vatis capite: Vi- fio Esaiæ filij Amos. Et Dani. 10. Quoniā Dani. 10 adhuc visio in dies. Hoc est, quia nō mo- dō, sed post longū téporis interuallū hæc vaticinatio cōplebitur. Et. 1. Abdia: Visio Abd. 1. Abdię. Vnde diuini vates dicebātur vidé- tes, vt cap. 21. lib. prioris Paralipomenon, 1 Par. 21. Locutus est dñs ad Gad videntē. Et. 9. lib. 2 Par. 9. posterioris: In visiōe quoq; Ado vidētis. Et apertissimè cap. 9. lib. 1. Reg. Venite, et 1 Reg. 9 eamus ad videntē. Qui enim propheta dicitur hodie, vocabatur olim vidēs. Vnde illud cap. 33. libri posterioris Paralip. 2 Par. 33. Scripta sunt in sermonibus Hozai: p̄t verū: Scripta sunt in libris prophetarum:

## COMMENT. IN NAHVM.

nam hazal siue chazal significat videre, & prophetæ vocantur videntes. Qua ratione du&ti septuaginta interpretes trāstu lerunt: Scripta sunt in sermonibus videntiū. Et quia Niniue significat pulchrā, & visio contéplationem, potest verti totum hoc: Assūptio pulchritudinis, liber cōtéplationis Nahū. Nisi enī quis assumat verā animi pulchritudinē, non poterit aptè ad rerū excelsarū cōtemplationē peruenire.

**¶ Nahum.** Nomen est huius diuini vatis,

**Hieron.** quod sonat, vt diuus ait Hieronymus, cō solatorē: & rectè illi conuenit: consolatur enim Israelitas, cùm aduersus improbos Assyrios acerrimoseorū hostes vaticinatur. Illi enī iam decē tribus abduxerāt captiuas, & reliquas duas grauiter affligebāt. Reprehendit itaq; impios, pios verò cōsolatione permulcet: quod est cōcionatoris officiū. Spiritus sanctus qui paraclit⁹ hoc est cōsolator dicitur, qui Christi discipulis perfugiū & solatiū præbebat, hoīes sceleratos obiurgabat. Ita enim ait apud

**Ioan. 17.** Christus dominus: Cūm venērit paraclitus arguet mūdum de peccato. Vbi per mūdum hoīes scelerum maculis notati significantur. Quo tēpore floruerit Nahum, non liquet ex diuinis literis: sed vt in procēmio diximus, Iosephus ait

**Ioseph⁹** cū extitisse regnāte Ioathamo Hieros-

**Hieron.** lymæ, Hieronymus aut̄ ait eū fuisse sub Ezechia rege vaticinatū. At in libro Hebr̄o de mundi seric, & alijs antiquis Hebr̄orū monimētis consignatū est eum cū Ioële & Habacuc regnāte impio Manassepij Ezechiel filio floruisse. Sed fieri pōt, cum omniū horum regū tēpora attigisse. Ac inter Iudæos cōstare video ea ob causam illū in principio suarū vaticinationū noluisse nominare Manassē, qui tunc clauū recipublicæ tenebat, ne eius regis men-

tionē faceret, qui se nefarijs sceleribus cō taminauerat, Dei legem violauerat, vana gentiū idola coluerat, & salutaria diuinarū vatū monita despexerat. Nolebat enī sanctorū virorū cōsilijs assentiri. Ut quædam inueniuntur tabulæ tam horridæ, & perperā gypso illitæ & cōplanatæ, vt nec aurum recipiat, nec picturam, etiāsi eius artifex eximius sit: sic quidā sunt hoēs tā improbi, tam prauis morib⁹ imbuti, vt nullā salutarem admiuit ant doctrinā, quā uiseius magister in eruditionis præstātia vnuis inter oēs emineat. Quēadmodum æquum est eos proprio nomine signare, qui sunt virtute p̄rediti, illustriq; laude cēlebrati: ita decet aliquando hominū pestilentiū, ignominiae maculis insigniū nomina silētio præterire. Hęc est causa, quare seruator noster apud **Luc. 16.** Lazarum **Luc. 16.** nominauit, diuitē aut̄ purpura indutū qui opipere epulabatur, noluit noīe proprio appellare. Et diu⁹ Matthæ⁹ in genealogia **Matt.** Ch̄ri Iesu tres reges iniustos, vt ibi obseruauit Hieronymus, silētio prætermisit. **Hieron.**

**¶ Elcesei.** Ita nuncupabatur Nahū, quod natus fuisset Elcesi. Fuit quippe Elcesū oppidū in Galilēa, vt Hieronymus, & Epiphanius, & Remigius, & Albertus magistri testātur. Et videtur constare ex paraphrasi Chaldaica, & ex Rabbi Salemone R. Salo. Gallo. Sunt tamen nonnulli, qui aiūt Elcesū esse nomen familiæ: & vtraq; opinio tangitur à Vatablo. Quatuor in hoc **Vatab.** exordio à diuino nostro vate explicātur: primū genus operis, est enim aspera vaticinatio: secundum argumētum & materia, agit enim de venturis Assyriorū molestijs & ærumnis: tertius nomen authoris: quartum nomen patriæ, vbi editus in lucem fuit. Sed de inscriptione haētenus.

**¶ Deus amulat⁹.** Vaticinatur de Assyrio rum

Similitudo.

Exo.

Exo.

3.C.

The

rum exitio incipit à Dei iustitia, consilio,  
& prouidetia, ne quis eorum euersionem fa-  
to tribuat, aut casui, non eorum sceleribus,  
& diuinę iusticię. Æmulator sumitur du-  
pliciter, nam imitator virtutis emulator  
dicitur: & qui aliquid cupit, quod alijs da-  
ri non vult: & tunc idē est, quod zelotes,  
hoc est, amator cū cōsortis indignatione.  
Ita nos Deus amat, vt velit, vt in eo, non  
aut in mundo amore nostrū collocem⁹,  
cīque soli diuinū latrīæ cultū tribuamus.  
Alioquin in nos grauiter animaduertit.  
**Exo. 20.** Eam ob causam cap. Exod. 20. Ego sum,  
**Exo. 34.** inquit, dñs De⁹ tu⁹, fortis, zelotes. Et. 34.  
Dominus, zelotes nomen eius. Et apo-  
**3. Cor. 11.** stolus cap. 11. posterioris ad Corinthios:  
Æmulator enī vos Dei emulatione. Itaq;  
zelotes siue emulator est, qui aliquem a-  
more prosequitur, eiusq; hostes affigit:  
in quam significationē sumitur hoc loco.  
Vocat se Deus hīc æmulatorē, vt ostendat  
sed diligere populū Israeliticum, & de  
Assyrijs eius hostib⁹ suppliciū suo tépo-  
re sumpturū. Ipse est, qui suorū audit ge-  
mitus & suspiria, & in eorū inimicos gra-  
uiter animaduertit. Priusquā Nahum va-  
ticiparetur, Deū laudibus effert: celebrat  
eius amorē in Hebr̄eos illos, qui tūc fide-  
muniti eum colebāt: iustitiā & potētiā  
in multitudinis impijs Assyrijs: clementiā  
& misericordiā in illis ad pœnitentiā vo-  
cādis. Docet nos, vt opera nostra à diuinis  
**Theod.** laudib⁹ inchoem⁹. Theodore⁹ per emu-  
lationē hoc loco iusta Dei iram intellexit.  
**¶ Vlscens dominus, vlciscēs dominus.** Re-  
petit hæc verba, vt in hominū memoria  
tenacius imprimātur. Vel vt & præsentē  
pœnam & futuram ab eo indicet inferri.  
Vel propter & animæ & corporis suppli-  
ciū. Et paulò post ea iterū repetit ad maiori-  
rem certitudinem: ne homines solā Dei

mīam à iustitia sciunctā cogitantes, laxa-  
rēt habenas vitijs, animiq; præstantiā tur-  
pide dedecore macularent. Capite. 18. Deut. Deut. 18  
ait ipse Deus: Ego vltore existā. Et David  
psal. 93. Deus vltionū dominus, Deus vltio. Psal. 93.  
tionū liberè egit. Sic Deū appellat, quod  
ad illū pertineat vltio. Ipse enī ait cap. 32. Deut. 32  
Deuteronomij: Mea est vltio, & ego re-  
tribuam eis in tépore. Quem locū affert  
apostolus cap. 10. ad Rom. & ad Hebreos Rom. 10  
similiter. 10. Hīc aut̄ vaticinatur Nahum Hebr. 10  
præcipuē, de Assyriorū vltione. Nam et si  
Deus affligere voluit Israelitas per Assy-  
rios, tñ quia Assyrije eos crudelissimè tra-  
starūt, iustas pœnas impietatis suæ dede-  
runt. Eā ob causam ait De⁹ apud Esai. 10. Esai 10.  
Væ Assur virga furoris mei. Et apud Za-  
chariā. 1. Ira magna ego irascor super gé- Zach. 1.  
tes opulētas, quia ego irat⁹ sum parū, ipsi  
verò adiuuerūt in malū. Ac si dicat: Gra-  
uissimè succēso gētib⁹ prosperitate affluē-  
tib⁹, quæ Hebreos afflixerūt, & per sum-  
mā immanitatē profligarunt. Nam tam  
etsi ego iratus sum Hebræis aliquātu-  
lum, eorum tamen hostes asperrimis ca-  
lamitatibus illos oppresserunt. **¶ Habens furorē.** Ita vocat diuinę iusticię  
seueritatē, vt se accōmodet mori nostro  
loquēdi. Eodē modo Deut. 32. Ignis suc- Deut. 32  
cēsus est in furore meo. Quare Paul⁹ apo-  
stolus cap. 10. epist. ad Hebr. Horrédu est, Heb. 10.  
inquit, incidere in manus Dei viuētis. Et  
David psal. 6. Dñe ne in furore tuo arguas Psal. 6.  
me, nec in ira tua corripias me. Quibus  
verbis Deū orat, ne ad scelus suū puniendū  
acerbā seueritatem adhibeat, sed parternā  
castigationē. Irascitur enī peccatoribus,  
iuxta Esaię illud. 64. Ecce tu iratus es, & Esai. 64.  
peccauim⁹. Id est, quia peccauimus. Parti-  
cula enim, & pro quia sumitur aliquan-  
do. Aspicis igitur iram & furorē tribui

Aaa 3 Deo,

- Gen.47. Psal. 25. sumitur psalmo. 25. Cum iniqua gerentibus non introibo. Pro quo poteris traducere: Cum absconditis non introibo.
- Hoc est cum hominibus vafris. & fraudulentis non communicabo. Pro abscondere sumitur psalmo. 44. Ipse enim nudit abscondita cordis. Ab hoc verbo deducitur illud, quod est in psalmi noni inscriptione: Pro occultis filij. Hoc est, psalmus hic continet res arcanae & absconditas Iesu Christi, qui est verus Dei filius unigenita: iuxta illud ipsius domini apud Ioannem octauo: Si filius vos liberauerit, verè liberi eritis. Deriuatur etiam à verbo hoc יְהִי רָכֶב, quod nomen virginem absconditam significat: quo utitur Esaias septimo cum ait: Ecce virgo concipiet, & pariet filium. Hinc מִלְמָדָה significat pueritiam, & seculum: ut psalmo quadragesimo septimo: Ipse reget nos in seculum. Pro quo Pagninus in Thesauro trahit: Ipse ducet nos sicut in pueritia. Ac si dicat populus Israeliticus: Ita Deus nos modò ducet, si confugerimus ad illum, quoadmodum à pueritia, cum nos eduxit de Ægypto, à tyrannide populi barbari. Potest verti: Ipse ducet nos in absconditum. Hoc est ipse Deus noster abscondet nos ab inimicis nostris, tam animi, quam corporis, ne ab illis offendamus. Vnde Dauid psal. 26. Quoniam, inquit, abscondit me in tabernaculo suo in die malorum: protexit me in abscondito tabernaculi sui. Et psalmo trigesimo de viris pijs loquens: Abscondes eos in abscondito faciei tua: à cōturbatione hominum. Et octogesimo secundo: Cogitauerunt aduersus absconditos tuos. Pro quo nos habemus: Cogitauerunt aduersus sanctos tuos. Nam cum viri pijs sint absconditi & protecti à Deo, recte vul-
- Psal. 44. gatus noster interpres cum septuaginta interpretibus vertit sanctos: cui respondebat Campensis ita habens: Qui occulte capaces protectioni tuæ concrediti sunt. Illis ait apostolus tertio ad Colossenses: Vita nostra abscondita est cum Christo in Deo. Colos. 3.
- Psal. 9. Sed nemo pietatis expers percipit animo, ne suspicatur quidem, quām secura sit eorum vita, qui veram illam iustitiam colunt, quae in imitatione Christi consistit.
- Ioan. 8. Hostuetur Deus, non quod in nullis calamitatibus versentur, sed quod afflitti nulli la improborum hominum vexatione, de tranquillitate animi depellantur. Quare in medijs calamitatibus & ærumnis versati nec calamitosi sunt, nec ærūnosi, nec infelices. Nam quamuis corpore cruciatur, non tamen cruciatur virtus, non gruitas, non fides, non constantia: non denique animus ipse, qui virtutum præsidio septus nullo modo expugnatur. Imò nec mortem ita timent, ut propter eam ab itinere recto separentur.
- Esai. 7. ¶ Pessima est plaga tua. Septuaginta habent ἡ φλέγματεπ η πληγή σου. Hoc est intumuit plaga tua. Intelligunt vulnus illud superbiam esse & arrogantiam, qua Niniuitæ tumebant: vanis enim opinionibus inflati sese efferebant, & asperos, difficiles, & imperiosos ostentabant. Superbia turgescit, sursum in aëre extollitur. Vnde psalmographus: Superbia, inquit, eorum qui te oderunt, ascedit semper. Solet autem ascere verborum arrogantiū multitudine & insolentia. Ut tympanum vēto plenum longius sonat, quām si esset realiqua graui & solida repletum: si homo quanto est inanior, vento que superbiae plenior: tanto est loquitor, ac vanis verbis abundantior. Vnde apud Soph. 4. phoniam quarto ait Deus: Auferam Eee 2 de

# COMMENT. IN NAHVM

de medio tui magniloquos superbos tuos.

**Psal. 16.** Et David psalmo sextodecimo: Os eorum locutum est superbiam. Sed quem Similitudo. admodum excelsi montes solent percuti fulmine, quod cœlestis dicitur iaculum: sic superbis homines solent calamitate à Deo missa feriri, & diuini iudicij percusione prosterni. Id quod Niniuitis contingisse diuinus noster vates testatur.

**¶ Compresserunt manum super te.** Septuaginta habent: Plaudent manus super te.

**Pagnin.** Pagninus: Comploserunt manum super te. Sed ponitur præteritum pro futuro. Verbum Hebraicum est עקְתָה thacagh, quod comprimere significat, & plaudere, & figere. Eo vtitur Salomon Prover-

**Prou. 17.** biorum decimo septimo: Stultus homo plaudet manibus suis. Quod potest verti: Stultus homo figet manus suas. Hoc est pro ære alieno spondebit, & obligabitur. Figere siue dare manum est fideiubere, seque pro aliquo vadere dare. Ita illud intelligitur Proverbiorum. 22. Noli esse cum ijs, qui defigunt manus suas, & qui vades se offerunt pro debitis.

**¶ Quia super quem non transit malitia tua semper?** Pro malitia est in Hebreo רעַתָּה à verbo רועַת, quod significat malum esse. Potest esse à verbo רעַת, quod significa affligere. Quare potest verti locus hic. Quia super quem non transiit afflictio tua. Hoc est, quis est, quem tu non affixeris? Sed quia hoc verbum rahah significat etiam velle, potest esse sensus: Quia super quem non transiit voluntas tua semper? Hoc est impietas tua: voluntas enim impiorum impia est. Potest igitur nomen hoc רַע deduci à verbo רועַת, & tunc significat malum: & à verbo רעַת, & significat voluntatem. Quā

**Psal. 50.** obrem id quod ait David psalmo quin-

quagesimo: Et malum coram te feci: ubi pro malo est vocabulum hoc rach: verti potest: Et voluntatem coram te feci. Est enim voluntas propria omnium flagitorū velut radix & origo: & in sphæra vitæ nostræ est centrum, à quo excentræ exitij nostri ad nostræ infelicitatis circumferentiam. Eam ob causam ait Ecclesiasticus capite. 18. A voluntate tua auertere. Et Oseas decimo: Confundetur Israel in voluntate sua. Et Christus Deus noster in euangelio authore Mattheo capite. 16. Si quis vult venire post me, abneget semetipsum. Id intuens diuus Bernardus: Cestet, inquit, propria voluntas, & infernus non erit. Ut lactucæ multæ q; aliæ herbæ salutares nisi mutent solùm, fiunt sylvestres, amaræ, & incultæ: sin autem ex una terræ parte transferantur ad aliam, fiunt suaves, iucundæ, & excellentes: sic homines nisi propriam dimittant voluntatem, fiunt flagitosi, & pestilentes, & barbari: sin autem eam relinquunt, & Dei voluntati parent, ab omni contagione impuritatis abstracti, & à seipsis auulsi omne vitæ gubernaculum tradunt diuino numini: ac magnopere curant ne obedientiam abijcentes animum perturbent, eiusque constantiam à sua sede deiijcant. Id voluit Deus significare, cùm dixit Abrahamo Genesis duodecimo: Egressere de terra tua, & de cognatione tua. Quibus verbis ipse statim obediuit. Huius admirabilis obedientiæ exemplum hac in re, & in proprij filij immolatione voluit ipse Deus clarissimis monumentis testatum consignatumque proponere hominibus, ut omnes illud adimitandum persicerent. Noluit Abrahamus sibi ipsi, sed Deo gerere voluntatē. Et quia in negotio Bethabæ

1. Reg. 1

Eccle. 4

Matt. 16

Bernar.

Similitu-

do.

1. Reg. 1

uillan.

Luc. 6.

Grego

Genes.

Genes.

Phil.

**1. Reg. II.** sabei multo aliter se gesserat Dauid, agnoscens flagitium suum ait Deo: Et voluntatem, nimurum meam, coram te feci. Vbi ut dixim⁹, est nomen rach: quod & malum, & voluntatem significat. Eo **Eccle. 4.** utitur Ecclæsiastes capite quarto, cùm ait: Multo meliore est obedientia, quām stultorum victimæ, qui nesciunt, quid faciūt mali. Quod potest verti: Quia nesciunt facere voluntatem, scilicet Dei, cui victimas immolant; cui deberent obedire. Reddit rationem, quare melior sit obedientia, quām stultorum sacrificiū: quia qui Deo parent, eius voluntatem gerūt, ac in virtutis actionem incumbunt; qui verò sacrificant contra Dei obedientiā, ei non gerunt voluntatem, quin potius ipsum offendunt. Regi Sauli contra Dei præceptū sacrificanti dixit iustus Sa-

**1. Reg. 15** muel, ut est capiti. 15, lib. 1. Regum mandatum: Melior est obedientia, quām victimæ, & auscultare magis quam offerre adipem arietum. Vnde seruator noster a-

**Luc. 6.** pud Lucam sexto: Quid, inquit, vocatis me: domine domine, & non facitis, quæ dico? Rationem cur melior sit obedientia, quām sacrificium, reddit diuus Gre-

**Gregor.** goriū summus pontifex, quia per victimas aliena caro, per obedientiam verò propria volūtas maectatur. Hanc propriam voluntatem non occidit rex Assyriorum, ad quem Nahum has voces amisit: Super quem non transiit malitia tua, aut voluntas tua semper? Sed quia Deo non paruit, fuit ab illo grauissimè punitus. Cur Deo non parebimus, cùm Christus Iesus verus Deus & verus homo ei paruerit? De illo ait diuus Paulus capite secundo epistolæ ad Philippienses: Humiliavit semetipsum factus obediens usque ad mortem, mortem autem

crucis. Voluit potius vitam, quām obedientiam amittere. Ac volens significare, se mortem sustinere, ut patri obtineret, emisit spiritum capite inclinato: est enim inclinatio capitis obedientiae signum. Non solum Deo, sed etiam hominibus in dignitate constitutis propter ipsum Deum parere debemus. Id negant heretici nostri temporis, qui nec regi, nec eius ministris, quibus est reipublicæ gubernaculum commissum, volunt obediere. Id videmus modò in Gallia Christianissimo quondam regno: nunc autem Lutheranis, Calvinistis, Zwingliстis, ceterisque huiusmodi peſub: multis in locis pleno: vbi hi heretici relinquunt & abjiciunt obedientiam, nec summo pontifici Iesu Christi vicario, nec Christianissimo Galliæ regi obtemperantes, nec Deo, nec rationi, cui sunt subiecti legem naturæ. Imò aduersus ipsum pium, iustum, & catholicum regem commouent & conflat seditiones, concitant discordias, parant bella, edunt strages hominum catholicorum. O incredibilem audaciam! O impietatem deplorandam! Falsa libertatis specie exaci ac furentes homines decepti exercent publica latrocinia, & alia impia maleficia, & nefaria scelera: & in perpetua ignominia versantur. Ut in semini- Similitudibus est causa plantarum: sic huius pestis do- origo fuit impius Lutherus: cuius ha- reles in officina Sathanæ, consilias infi- nitum homines perditi sequuntur. Et quod est intolerandum, aiunt se obedientiam reliquisse, noui testamenti doctrina maxi- mè instructos. Vbi hoc legislius o ha- retici in novo testamento? Nusquam qui- dem. Imò diuus Paulus in epistola ad Ro- manos contrarium docet: ita enim ait cap. 13. Omnis anima potest statibus subli- Eee 3 miori-

## COMMENT. IN NAHVM

mioribus subdita sit: non est enim potestas nisi à Deo: quæ autem sunt, à Deo ordinatae sunt. Itaque qui resistit potestati, Dei ordinationi resistit. Hæc apostolus: ubi per omnem animam Hebræorū more intelligit omnes homines, quibus præcipit, ut subiecti sint regibus, & publicis magistratibus, quemadmodum præcipit Deus: nam qui illis resistunt, Dei ordinationi resistunt. **Quid apertius** po-  
**Ephe. 6.** terat dicere apostolus? Et cap. 6. ad Ephesios: Serui, inquit, obedite dominis carnalibus cum timore & tremore in simplicitate cordis vestri, sicut Christo. Et capite. 3. ad Titum: Admone illos principibus & potestatibus subditos esse, dicto  
**Tit. 3.**  
**Hcb. 13.** obediare. Et. 13. ad Hebræos: Obedite præpositis vestris, & subiacete eis. Et diuus  
**1. Pet. 2.** Petrus apostolorum princeps cap. 2. epistola suæ prioris: Subiecti estote omni humanæ creaturæ propter dominum, siue regi quasi præcellēti, siue ducibus tanquam ab eo missis ad vindictam malefactorum, laudem verò bonorum: quia sic est voluntas Dei. Et paulò post: Regē honorificate. Serui subditi estote in omni timore dominis, non tantum bonis & modestis, sed etiam dyscolis. **Quod verò** dixit: Subiecti estote omni humanæ creaturæ: intelligendum est iuxta materiam, de qua agitur, nimirum de principibus & præsidibus, quibus est obediendum. Nam scholia Græca aiunt creaturā ibi ab apostolo sumi pro principatu & potestate. Per dyscolos verò intelligit magistratus prauos, asperos, & difficiles: quibus ait tribuendam esse obediētiam propter Deum: & regi ac imperatori obtēperandū. Id præcepit domin⁹ Iesus in euā-  
**Matt. 22.** gelio, cū dixit: Reddite, quæ sunt Cesaris  
**Mar. 12.** Cæsari: & quæ sunt Dei, Deo. Nonne sūt

perspicua hæc testimonia? Quis ea negabit, nisi fuerit tetricus tenebris omnino cooptus? Et tamen negant ea Lutherani, quia horribili animi cæcitatem, & diabolico furore rapiuntur. Obediuit mare Mosis, Exo. 14. & sol Iosue, & illi nec præsidibus, nec regi, nec summo pontifici, nec ipsi Deo volunt obedire. Qui paret, seipsum vincit: & est hæc admirabilis excellensque victoria. De illa ait Salomon Proverb. 21. Prou. 21. Vir obediens loquetur victoriam. Apes obediunt regi suo, grues duci suo, oves pastori, mare influentia lunæ, globi cœlestes primo mobili: omnia denique inferiora superioribus parent: solus superbis homo est, qui obediare recusat. **Quemadmodum** aurum pareat malleo, vitrum nō do. item: sic viri humiles & sapientes præfectis obediunt, impij autem superbi & insolentes haudquam. Ut cera igne calfacta facile flectitur, figuramque rei cui infunditur, recipit: quod sine igne non facit: sic qui sunt igne diuini amoris incensi facile obediunt, & voluntati præsidum accommodantur. Ipsi enim præfides ministri Dei sunt: & qui illis paret, Deo paret. Ante legis lationem præcipiebat Moses nonnulla Hebrais, quæ illi seruare nolebant. Et Deus dixit illis Exodi decimo septimo: Usquequo non Exo. 17. vultis custodire mandata mea? Non dixit: mandata Mosis: sed mandata mea. Præfidis mandata honesta & iusta Dei esse censenda sunt. Vnde Christus dominus apud Lucam decimo, cum præfulis Luc. 10. bus loquens: Qui, inquit, vos audit, me audit: & qui vos spernit, mespernit. Quid est præstatius, quid glorioius, quam pro Christo parere hominibus, & propriam voluntatem voluntati præfecti subiçere? Hoc est excellens quoddam sacrificium,

82

& admirabilis triumphus. Multiviri virtutis & sapientiae ornamentis exculti in Gallia, Germania, & Britania nostra hac memoria pro hac veritate defendenda, & ecclesiæ sanctæ Romanæ catholicæ obedientia sustentanda fuerunt ab hæreticis interficti: sed morte illa immortalitatem consecuti sunt in æterna beatitudine: & in hac vita nulla ætas de illorum laudibus conticescet. Qui erūt homines tam inculti, qui eos non efferant laudibus? quæ tam immemor posteritas, quæ illorum decus non æternitatis memoria prosequatur? Felices illi qui Christo Deo nostro, eiusque vicario summo pontifici vniuersali pastori, regibus Christianis, magistratibus, pōtificibus, & pr̄fculibus catholicis obediunt: & pro hac obedientia tuenda, vita ab hæreticis priuantur, & gloriam sempiternam consequuntur. Id non efficiunt illi, qui propriæ parent voluntati, qui depravatos sequuntur appetitus, & amore terreno ducuntur. Quemadmodum impurus amor animam incendit, & studio rerum caducarum inflamat, & in ima ac profunda præcipitat & mergit: sic sanctus amor ad cœlestia extollitur ad æterna aspirat, ad immortalitatem exardescit, & animam ad ea quæ immutabili æternitate continentur, concitat & inflamat.

Nullus est amor otiosus in amantis animo, semper illū secum dicit, vel ad excelsum, vel ad imum. Anima amore mūdi ligata quasi viscum habet in alis: quā ob rem non volat in cœlum: at ab impuritate & terrenis affectibus libera duas alas nimirum dilectionē Dei & proximi expandit, quibus in cœlum ascendit. Quod enim nisi ad Deum ascendet volando, qui flagrans igne amoris sancti volat ascendendo? Has alas amoris Dei & proximi desiderabat David, cùm diceret psalmo quinquagesimoquarto: *Quis mihi dabit pennas sicut columbæ, & volabo, & requiescam. Volare cupiebat ad cœlestem Hierosolymam: quod sciebat se facere non posse, si esset amore cæco voluntateq; propria impeditus.* Qui enim ea ducuntur, similes sunt Assyriorum regi, cui diuinus noster vates Nahum dicit: *Super quem non transiit voluntas tua?* aut ut habet editio vulgata: *malitia tua. Vtraque enim litera vera est.* Sed inter omnes versiones illa eminet, quam Romana catholica ecclesia tenet & sequitur, quam vulgatam editionem appellamus: quæ veritate, grauitate, integritate, firmitudine, & præstantia omnibus antecellit. Eam ego secut⁹ sum tam in alijs meis cōmentarijs, quām in his in diuinū vatē Nahū, qui hīc ad honorē Dei terminātur.

L A V S D E O .

(???)

C O N I M B R I C Ā,  
Typis Antonij à Mariz Typographi & Bibliopol.  
Vniuersitat.  
Anno Domini 1579.

Nn.

1920. 10. 18. TAVAS

(55)

CONVERSATION  
between Mr. & Mrs. Philip Morris



